

柘

城

縣

志

柘城縣志

光緒丙申年
孟春月開雕

續脩柘城縣志序

自來志乘之輯勦修難續脩尤難其
勦焉者不過泝因革之始備掌故之
徵舉例發凡撮其大略而已若夫踵
而脩之則舊本之譌誤前文之紕繆
青於續焉者是望舉凡若者宜釐正

柘城縣志

序

若者宜增輯自非優於才識不足以
秉鑑衡亦非假以歲時不足以宏徵
採蓋續脩若是之難也柘邑志書失
脩既歷有年所官斯土者率以簿書
鞅掌未遑網羅散佚從事斯文自諸
暨穉香余君來宰茲邑始倡續脩之



議厥後南城代北元君講求吏治慨然有徵文攷獻之志率邑之耆舊設局編纂思以卒業迺功未竟而元君遽捐館舍嗣山陰鄉泉傅君捧檄來莅踵而成之未逾年又量移而去繼之者為今明府盧陵翰亭郭君邑人士

方謂郭侯攝篆來非久任者比或亦如疇昔之官斯土者課績於簿書鞅掌已身必未暇從事斯文而青以邑志之廢於垂成為可惜也乃郭君竟毅然自任不畏難不憚勞不沾寵故常而事蹟之攷核必確不苟安簡陋

於至當矣然更生齋文集及文史
通義仍不免為論史者所訐焉蓋
近志之表三者莫如武虛谷之安
陽李申者之鳳臺魯通甫之邳州
得史家正軌矜慎而可法也今閱
是書所訂凡例多奉安陽吉陽為

定式而其省併增補者若總綱若
子目輒取鳳臺邳州諸志之長而
去武功朝邑諸家之短噫嘻備志
雖難其才備其官賢其紳士之集
賢秉筆者又先協異詞則其事
又何難乎今雖尚未見全書然始

之以余君之草創繼之以亮君之
討論終以傳君之脩飾三賢令同
志相承而又經郭君之手考高疎
畧斟酌體製潤色以集其大成知
必能信令傳後共推善本以證余
言之不謬焉嗟歲事已後蓋不復

知作者之難矣而溯其草創之始
經討論脩飾以及潤色計其全功
如上所云有一不備非憂中轍即
敗垂成今日之易蓋以慨前此之
難矣語云有志者事竟成又曰行
百里者半九十里諸君惟不憚其

難故繼起而有功。亦幸甚矣。吾先
幸郭君之深於史才，思其難而圖
其易，以完三君未竟之緒也。余將
拭目俟之，以冀先覩之為快云。
光緒丙申桂月宣城劉樹堂叙於
大梁節署



柘城縣志

序

五

三

光緒重修柘城縣志序

賜進士出身河南承宣布政使司布政使世襲恩騎尉滿洲額勒精額撰
自來志乘之最著者莫如康氏武功韓氏朝邑兩志
文簡義賅後之作者莫能及焉雖然兩志之簡亦非
後人所能學也夫府縣之志將以備省志之採擇宜
詳不宜簡而縣志尤當詳於府志使無康氏韓氏之
才而徒學其簡勢必至空疏挂漏當世之採風問俗
徵文攷獻者將何所取資焉河南邑志多經各人手

柘城縣志

序

一

輯而登封成於洪穉存編修偃師成於武虛谷大令
詳簡得宜具有史法尤為當世所稱今之修志乘者
學二子之書可矣何必遠溯康韓哉予承

恩命布政是邦年力衰疲職事錄重於理財用人諸
大政惟日孜孜常不暇給郡縣之志未遑過而問焉
而郡縣之吏大率困於簿書期會無能究心此事者
山陰傅君薌泉宰柘城獨以所修縣志來上一再披
覽綱舉目張犂然粲然罔不畢具足以備採風問俗

徵文攷獻之資古有良吏而兼良史之才者傅君殆無愧焉蓋是舉肇始於諸暨余君繼香南城元君岱北而廬陵郭君翰亭踵成之至傅君始藏其事以諸君子編纂之勤時逾十年然後卒業雖未能與洪編修武大令之書繫量短長而詳簡得宜要亦不背於史法可謂克勤厥職相與有成者矣豈非柘邑之幸哉抑予更有進者自伊洛之儒上承道統中州遂為理學之邦

柘城縣志

序

二

國初容城孫徵君遷河南睢州湯文正公登封耿逸庵宮詹皆從之遊而柘城竇靜庵檢討又從二公講學夏峯高陽而外朱陽學者稱極盛焉百餘年來講學之風稍不競矣方今異學爭鳴侏離雜進間有誦法儒先修身職行者當世則非而笑之以為迂濶傅君以修志之故搜輯遺聞表章先哲使邑之士大夫有所觀感於以紹桑梓之清芬繼正學之墜緒孟氏所謂正人心息邪說者或於此而兆其幾焉傅君

固心知此意而拓之人亦尚有聞風而興起者乎予
日望之矣

拓城縣志

序

三

續修柘城縣志序

柘志昉於前明郡守李本固

國朝順治康熙閒知縣張維史鑑皆有踵
修而多舛誤乾隆三十八年癸巳知縣李
志魯始修成爲十卷柘人至是覩槩本也
迄今百有二十年矣夫以距期阻遠事故
多更未暇提氣青編莫獲設仍爲因

柘城縣志

序

一

循延徒增久恐湖陵有化難聞秦灰竹
簡中陵徒搜汲冢不有編訂道章前
隆光緒甲申余君嘉穀集紳籌費開
局重修奈規度未定遽調滑邑代者
迭遷未遑竣舉既而吾友南城元君
岱北淮蒞任招集諸生採訪大致仍舊
志稍有損益撰輯悉力補缺增遺以

足備政鏡此則鍾浚之所率也邑人亦之率也
 余元二君往矣郭君政事文章正未有艾即
 此興之幾舉墜視之如空文自見者固不作
 矣二君有知應亦無憾鍾浚不敏以為邑志
 之設關係風化人心豈宜淺鮮故此百餘年
 中忠孝節烈之行尤當闡發靡遺俾生
 其間者有所觀感今校讐既竣行將付
 梓用誌緣起以見告成之難而紀邑興起

之機即於是乎寓

光緒二十二年歲次丙申瑞陽前百知縣
 事山陰傅鍾浚謹叙



百餘年一之久窪漏待正之書一旦而有
稿本使百里之內戶籍賦役有可稽尋
政俗風治有可覽究文學賢哲忠孝
節烈之行得不湮沒是助諷勸厥功
甚偉然草創甫就遽歸道山自序未
作庸非憾與山陰傅君薌泉鍾浚補
授斯缺纂之以志事為亟彙集全稿

詳為檢訂編定卷帙繕寫成書第舊
志沿訛難下數如星野一篇惟府志宜
言之縣志不必復也形勝僅引省志數
語並無考證原可歸併疆域古蹟陵墓
疑誤尤多悉為辨正依格附後藉免傳
疑流寓如吳起項羽王霸張鎬載之
在蹟可也推為寓賢殊涉繁附至於

新增人物採入太繁文筆漫衍又其所
失也時傅君調署考城以余移司是
邦我公杜修飾有待之書冥中若相
屬焉爰竭公餘之力遂加整正夫拓為
古朱襄氏之都設縣始於秦西漢因之
三國及晉建置屢改隋開皇時定名拓
城所屬不一郡故沿革不一然縣於歸

德不當車馬之衝不設驛故不家繁土
宜甚聚食物之節民生其間專於耕鑿
惟地野沃平偶遇久雨若重困者藻尹
蒞於區維時兢牧冀時豐物阜風良訟
平使田民相與休息以臻樂安所素願也
然慮遼僻之邑值業績之餘不能徵稽載
籍廣考史乘覽川陸之風土集逸聞以成

書亦守土者之惠焉。始自三國梁習後至
陳思濟始見元史。迄有明而人材鶴起。我
朝康熙閒理學科名之盛甲於他邑。至俗敦
樸。純儉。猶有朱襄氏遺風。自今。能優游
文學之林。陶淵德禮之俗。導引其情。入
於藝圃。俾

國初盛軌。再見。今芥不六善。亦周禮土訓以

道地圖司徒本注。曰。朕師儒。蓋其志風
俗。良滿。咸返。夫正達其好惡。以盡於賢善
也。古聖經說。可不其邦人君子共勸之哉。
故參訂凡例。博採瑕疢。凡七閱月。而告成。
元公幽志。或藉以不泯。歎至於神智不及
非無罅漏。潤色之功。尚俟後之君子理而

光緒二十二年歲次丙申仲春月調署
柘城縣李考城縣之縣廬陵郭藻序



柘城縣志

序

五

舊志序一 順治十四年

古者國有史邑有志家有譜所以鏡往事誠來茲
鑒興廢考得失也余始至柘卽詢其故老有邑乘
乎則曰自魏郡李襄毅公視學中州慨茲邑無志
命郡守李公本固繕成一書余取而閱之其序襍
而紊其事複而冗其辭繁而蕪非史氏體也爾時
欲更定之而未遑越二稔簿書稍暇乃集邑之耆
儒博搜廣採彙次成編自冬徂春始克告竣自沿
革形勝以迄藝文風俗之醇疵吏治之清濁政事

柘城縣志

舊序

一

之損益人品之邪正戶口之多寡選舉之次第無
不釐然大具矣乃容有議余者曰邑之志猶國之
史也非龍門扶風之才不可以修史非武功樞李
之才不可以纂志予以鄴水之腐儒效馬班之撰
著無乃爲有識者笑乎余曰不然志譬之醫又譬
之畫醫弗須岐雷盧扁要以瘳病畫弗須僧繇龍
眠要以傳神余所爲者一邑之寶錄子比之石室
之鴻編乎且柘自兵燹以後圖籍蕩盡遺者流亡
凡名公鉅卿之照垂孝子貞婦之幽芬高文典册